

顧鬱雲 著

花韻樓醫案



上海科學技術出版社

花韻樓醫案序

何謂乎醫案也。斷病與處方而已。蓋醫案汗牛充棟。大都統治男婦雜症爲居多。而專治婦科則甚少。吾吳顧曼雲女士。婦科名醫也。道咸間吳下士大夫皆爭延診而欽仰之。曾著有花韻樓醫案一卷。惜乎未刊行世。知醫者偶一道及。每有欲求不得之憾。余向藏有顧女士醫案鈔本。其論治透徹。立方平善。洵是經驗之作。方之現今女醫中實罕有與匹。余屢欲鐫刊以供海內諸君子之研究。然深慚力棉。未能如志。公諸同好。意誠怏怏也。爰是函商紹興醫藥學報社裘君吉生。謀付剞劂。以廣流傳。幸承允可。自茲以往。風行寰宇。則顧女士濟世利人之婆心。既可不致湮沒。裘君之贊揚功宏。亦並垂不朽云。

民國紀元十年辛酉季夏吳縣張元瑞玉田氏序於吳趨青選書屋

花韻樓醫案

汪醫案

吳縣女士顧德華鬢雲著 吳縣玉田張元瑞錄校

小產之後。血崩月餘。音低氣怯。寐少咽乾。面目浮腫。乾喰陣作。更由血去過多。一派虛象蠶集矣。古人以血崩爲之崩中。中者。即脾胃也。前方純用滋納固滙。久服不效。何以尙不悟其理耶。蓋肝主藏血。脾主攝血。脾失統血之司。血從內滲不已。由於滋之滲之。凝滯絡中。所以時或淋漓若淨。忽又瘀塊如掌大者絡繹而下。自覺心神無依。肢冷泄汗。經云。陰陽互根。如環無端。陰從下滲。陽從上冒。其中樞紐能無慮其不續耶。急進歸脾法。以爲砥柱中流之計。

大有黨參 <small>三錢</small>	九製於朮 <small>一錢</small>	新會皮 <small>七分</small>	丹皮炭 <small>一錢</small>	大有黃芪 <small>二錢</small>	大熟地炭 <small>五錢</small>
地榆炭 <small>三錢</small>	元眼肉 <small>三錢</small>	歸身 <small>一錢</small>	白芍 <small>一錢</small>	棗仁 <small>三錢</small>	
用鷄肉 <small>二兩</small>	湘蓮肉 <small>五錢</small>	煎湯代水			

汪又診

前進血脫益氣法。兼清營分。虛火崩決之陣頓止。胸脘乃覺舒和。略思納穀。可知從前謬執黃芪閉氣之誤。然肝腎空乏。八脈交虛。最慮腹膨漏帶。乾喰寒熱。此四者崩後極易見之。不可不爲預防。

人參鬚 <small>一錢</small>	大有芪 <small>五分</small>	陳阿膠 <small>二錢</small>	地榆皮 <small>三錢</small>	西黨參 <small>三錢</small>	製於朮 <small>一錢</small>
炒丹皮 <small>一錢</small>	白芍 <small>一錢</small>	雲苓 <small>三錢</small>	元眼肉 <small>二錢</small>	湘蓮肉 <small>四錢</small>	

汪又診

崩止三日。神脈皆振。頭暈蘿熱。時仍有之。必得營陰恢復。風陽游行之象。方可全熄耳。

人參一錢

製冬朮一錢

陳阿膠二錢

牡蠣五錢

棗仁三錢

黃芪二錢

西黨參三錢

熟地炭四錢

川貝三錢

白芍五分

加鮮藕肉一兩

汪又診

肝風漸定。諸症較平。夜寐漸安。惟面色指爪㿠白不堪。胃氣雖醒。脾少健運。知飢不任油膩。須得屏除煩勞。靜養百日。氣血充復可期也。

人參鬚一錢

製於朮一錢

甘柏子三錢

炒棗仁三錢

綿黃芪三錢

炙甘草四分

陳阿膠二錢

製於朮五分

元朮肉三錢

大黑棗二枚

加建蓮三錢

汪又診

日來精神大勝於前。唇漸轉紅。眠食頗佳。陽明血液日長矣。

黨參三錢

炒棗仁三錢

炒米仁三錢

九製於朮一錢

黃芪二錢

炒白芍一錢

炙陳皮五分

炙黑甘草三分

陳阿膠二錢

元眼肉三錢

大黑棗兩枚

張醫案

脾腎陽衰。早食暮吐。完穀不化。是無火也。並非火熱暴迫之完穀下趨耳。舌質淡而苔白。脈細帶絃。溫中以理氣分。

上肉桂

淡吳萸

白茯苓

老蘇梗

益智仁

煨肉果

炒白芍

新會皮

戈半夏

張又診

水穀入胃。易生痰濕者。多由脾虛土衰。今且肝木來侮。上則嘔腐吐食。下則便泄腹脹。升降皆屬格礙。專理中宮之陽爲的當也。

淡乾姜
甘草炭

益智仁

雲苓

新會皮
乾玫瑰花

淡吳萸

溫煦脾胃。中焦氣機已得旋運。果然陰復遲而陽復速也。

製附子

煨肉果

炒白芍

苡仁

製厚朴

淡吳萸

橘白

建麵

雲苓

張又諺

反胃已止。當扶脾胃之氣。佐以養肝之血。

人參條

雲苓

新會皮

淨歸身

生冬朮

炙草炭

姜半夏

炒白芍

炒苡仁

香穀芽

停藥劑後以香砂六君丸二錢。每朝炒黃米泡湯送下。

謝醫案

思慮傷脾。鬱怒傷肝。肝崩之下。氣營大虛。徹夜不寐。神不自持。觸事驚疑。此乃怔忡疑惑之症。並非癲癇類也。脈症合參。脾藏氣血大傷。脾爲營之源。雖云心主生血。然血不自生。須得脾氣運液。中焦取汁。變化而成。心虛而不知補脾。絕其生血之源矣。且大便亦溏。膽怯異常。顯屬不足之症。切勿執定痰火有餘也。

大生地

炒白芍

炒棗仁

雲苓

製冬朮

廣鬱金

元眼內

蓮肉

川貝

謝又諺

脈象細而帶弦。微見虛數。血崩本屬氣虛下陷。血去陰液亦虧。心中慄惕驚疑無主。尋源求本之計。宜補立中。

氣爲先。倘專清痰火。必有延成痼疾者也。

黨參

製冬朮

大麥冬

歸身

黃芪

炙黑草

血餘炭

白芍

雲苓

棗仁

川貝母

加龍眼肉

大黑棗

謝又診

日來脈象頗形起色。元氣漸振。故恐懼憂疑之象。已可支持。肝鬱日暢。寡有惱怒。誠佳機也。心脾血液未充。尙須怡養爲佳。

製洋參

雲茯神

五味子

川貝

製冬朮

左牡蠣

元眼肉

苡仁

棗仁

生甘草

加金橘餅

野薔薇露

臨臥服白金丸三分

謝又診

不寐陽升。脾氣下陷。風陽遊行無定。腎志少液。當引陽潛藏之法。

黨參

大熟地

左牡蠣

白芍

黃芪

橘白

炙草

川石斛

製附子

池菊瓣

棗仁

橘白

白芍

黃芪

加鷄子黃

謝又診

大便得實。腎液藏而脾氣運矣。神情漸復。惟或感心事。肝陽猶易擾及包絡。亦由心營血氣未能充足耳。

黨參

元參心

遠志炭

炒棗仁

黃芪

川貝母

大熟地

柏子仁

山藥

炙甘草

龍眼肉

謝又診

行動步履有力。眠食亦均勻適中。中氣雖復。血虛猶少營養。血不養肝。肝經鬱火。欲達未達。現值暑令。當於補劑之中。參入清暢之品。秋涼肅降時。可冀無恙。仿許學士法加減。

大生地

黨參

赤芍

川貝

烏犀尖

雲苓

玳瑁

山藥

麥冬

橘白

加園圃鷄子黃

白荷花露

張醫案

新產兩朝。瘀不行。發熱神蒙。肢麻汗多。脈芤舌紅。酷暑外迫。陰氣鬱冒。血隨氣逆。時有昏暈。變險可危。急扶產母端坐椅中。敞軒牖以湘簾護風。切勿聽信嫗輩。膠執吃熱苦草湯也。急囑。急囑。

細生地

廣鬱金

懷牛膝

歸身

川貝母

白蒺藜

西琥珀

赤芍

丹皮

白薇

鮮藕肉

童便

張又診

熱退神清。氣火平降。瘀亦下行。兩臂尙麻。少腹痠楚。仍從養血通瘀。即是治風先治血之意也。

細生地

淨歸身

茺蔚子

赤芍

炒山藥

白蒺藜

懷牛膝

丹皮

白薇

查炭

琥珀

湯醫案

鬱火越冒。衝心爲厥。厥後心悸不寐。驚恐疑懼。劫肺而爲痰火。不時形稟轟熱。經行如崩。月行二次。盛暑而厚衣。稀粥不敢下咽。以脈症參之。非真寒。實由疑慮過深所致也。金先生指爲勞損不起之症。竊恐未確。當放膽啖飯。不必避風。以怡暢襟懷。佐以藥力。可許向痊者。

烏犀尖

小川連

雲苓

麥冬

大生地

廣鬱金

白芍

橘白

棗仁

川貝

湯又診

病人深信所囑。肝膽舒暢。寒熱未作。人咸異之。即俗名疑心病也。信能堅決。何疑之有。所謂智慧劍斬煩惱魔。須藥餌外求之者。仍須清暢鬱火。補養心脾。方無反復。

細生地

烏犀尖

小川連

麥冬

生於朮

羚羊角

川貝母

棗仁

米仁

紅棗

湯又診

穀食如常。神情安適。心悸咳血皆止。鼻流腥水如注。此乃鬱火從心包而暢於肺經也。養陰佐以清和肺肝。

製首烏

元參心

川貝母

白芍

羚羊角

薑荊子

淮山藥

生甘草

薄荷葉

湯又診

鼻淵雖止。其鬱火未淨。心脾氣血未復。諸恙和平。癸水尙易驂前。仍從前法減輕爲治。

細生地

羚羊角

川棟子

左牡蠣

生冬朮

川貝母

元參心

大麥冬

雲苓

小紅棗

張醫案

冬溫乍發。月事適行。陰氣先虛。邪從內傳。一候之前。失於開泄肺經。今病交十三日。曾服小柴胡湯微微得汗。惟邪轉充斥肺胃。兼入營分矣。晝夜煩躁。神魂飛越。脈濇弦數。舌絳苔厚。痰滯並阻。大便溏泄。深恐瘧厥。必多。

風波變臉

淡豆豉

查炭

牛蒡子

丹皮

川貝母

細生地

淡黃芩

廣鬱金

苦桔梗

秦艽

赤芍

張辰刻又診

病交兩候。癸水淋漓未淨。色帶紫黑。營熱熾甚。通宵不寐。寅卯時肝風內動。指瘡發厥。目竄痰湧。遍體汗泄而定。頃診右脈洪數。舌苔根厚。色轉灰黃。大便連泄。自覺火熱下注。溫邪欲陷。昏閉可慮。但營分滲泄於下。肺邪壅遏於上。斷不能執熬熱入血室之古法也。

細生地

淡黃芩

丹皮

薄荷

小川連

廣鬱金

赤芍

生甘草

天花粉

生麥芽

白芍根

張酉刻又診

溫邪自口鼻吸入。肺先受之。逆傳心包。入暮病劇。脈較晨間數甚。再與清解。勿致昏閉為妙。

鮮生地

玉捲心

丹皮

川貝

淡黃芩

元參心

麥冬

桔梗

天花粉

生甘草

張又診

昨宵煩躁陣作。風痙略緩。子後稍稍得寐。寐醒痰火上升。欲厥未厥。便泄短陰傷熱戀。熱化庶無變幻。

烏犀角

天竺黃

元參

赤芍

細生地

竹捲心

麥冬

花粉

知母

淡芩

張又診

溫邪自肺傳入手厥陰經。煩躁譁語。痰潮昏湧。疊進清滋化熱。內保心陰。雖然不致內閉。其邪欲達未達。包絡

清虛之所。邪火燐津凝痰蒙閉。非芳香宣竅莫解。

陳金汁二兩 化服至寶丹四分

張又診

昨診脈後。狂躁厥逆。即以至寶丹服下。神志漸定。吐咳濃痰頗暢。黎明時得寐。寐醒尙覺氣逆。便泄已止。口苦咽癰點密佈。冬溫化毒。乃外泄之機。

烏犀尖

鮮霍斛

苦桔梗

甘中黃

鮮生地

赤芍

元參心

天竺黃

土貝

黃芩

元參

加陳金汁

野薔薇露

鮮蘆根

張酉刻又診

胸膈肌膚熱勢大減。額上解而不了了。脈息左含靜意。右寸關尙見滑數。舌絳苔少。疳點起腐痛甚。心中煩擾。月水將淨。清化上焦痰熱爲主。

鈴羊角

淡芩

土貝

鮮霍斛

元參

白杏仁

甘中黃

廣鬱金

枇杷葉

鮮生地

張又診

冬溫失治於前。病涉三候。溫邪化燥。幾至內陷。幸得邪從清化。熱退轉機。經水乍止。營陰虧乏。肺胃餘熱尙熾。須防液涸。

烏犀尖

鮮霍斛

元參

知母

鮮生地

淡黃芩

麥冬

土貝

飛青黛

甘中黃

陳金汁

銀花露

張又診

舌苔焦黃已化。脈數頗緩。汗多如注。痞勢蔓延亦定。白腐漸退。音閃渴飲。痰多黃厚。口中膩涎若湧。外邪將淨。脾虛血熱。濕火內生。以玉女煎合甘露飲加減。

大生地

生洋參

知母

川貝

生石羔

生冬朮

川連

甘中黃

鮮霍斛

鮮竹茹

白粳米

鮮蘆根

張又諺

汗尙多。熱退極淨。大便三日未行。邪滯已得歸併胃腑。可免傳變之慮。口膩渴飲均減。小便漸利。陽明餘燼未熄。仍恐復燃。

生洋參

細生地

甘中黃

鮮竹茹

鮮霍斛

生石羔

川貝母

生枳壳

肥知母

全瓜蒌

鮮蘆根

枇杷叶露

張又諺

痞痛大緩。穀食可進。寐醒之後。溲急欲遺。數而且多。是餘熱宿垢蘊結陽明。迫其膀胱津液下行也。汗泄又多。胃津更傷。大腸愈燥。燥火更易傷陰。納穀未多。能勿慮其液涸乎。傷寒論有可下不可下。并急下存陰等法。兩者俱是回生要關。但須用之的當。今見口渴引飲。舌苔老黃乾裂。根尤厚澀。脈象數實。按腹微痛。如斯確據。誠乃急下存陰時候矣。每見邪未歸府。誤下致逆。不可勝數。

生西參

元明粉

全瓜蒌

生白芍

鮮霍斛

火麻仁

萊菔子

生甘草

大麥冬

白粳米

張又諺

矢氣頻轉。而便未行。舌苦化動。納穀較多。仍守昨法。

西洋參

鮮首烏

火麻仁

生甘草

鮮霍斛

元明粉 生白芍 白梗米 大麥冬 甜梨汁

張又診

昨晚大便後夜臥極安。胃思納穀。神脈安靜。小便合度。腸胃宿垢已徹。餘邪下注肛側。結有小癰。且瘡厥時擦傷皮膚。滋水頻滋。兩相蔓延。頗形痛楚。雖屬微末。猶恐妨礙眠食。亦屬節外生枝之累也。

西洋參

鮮首烏

生白芍

川柏

鮮霍斛

火麻仁

生甘草

肥知母

橘白

加大黑豆

五錢 茼豆 五錢

張又診

大便續通。自覺脘腹舒暢。安寐安穀。腑邪化淨。瘍痛亦緩。偶觸惱怒。心悸耳鳴。胃陰初長。不勝木火之燭燥也。溫邪病後。調養失慎。三復可慮。重言以申明之。

西洋參

鮮霍斛

生白芍

生甘草

淡天冬

天花粉

甜梨汁

濂珠粉

細生地

張又診

神怡氣陰漸復。飲食寒暖。慎調是囉。

人參鬚

川石斛

山藥

茯苓

細生地

鮮竹茹

白芍

橘白

生穀芽

小紅棗

家母病症

操勞之體。真陰不足。夏令心陽少暢。交秋肺氣鬱而不宣。肝木挾暑濕。先從上擾。顛痛咳嗽。舊恙發而未甚。適觸穢氣。濁邪壅遏。反從下走。先瀉轉痢。赤白雜下。表有微熱。正虛邪盛。勢正方張。擬表裏合解。邪宜速達。則免

傷正

廣藿梗

赤芍

青皮

查炭

建麴

白蔻仁

枳實

白蔻仁

秦艽

鮮佛手

表熱得汗而解。痛勢裏急後重。痢次晝夜數十遍。赤白紫滯。納穀免強。口苦舌糙。乃血鬱熱結也。每於痢下甚時。積多糞少。後重極甚。細參病機。寐中略有咳嗽。醒時痛緩。乍醒痛緩之時。積少糞下極暢。似平寐則氣火下行。陰液得養。肺氣開而腸胃積滯能下。當顧腎陰而化裏邪。逆流挽舟法。斷不能用。謹以辨症之法質諸高明教正焉。

廣藿梗

桔梗

青皮

查炭

丹皮

枳實

建麴

白芍

赤芍

益元散

家母又診

氣分濕滯已減。但痛勢盛於下午。邪伏血分何疑。痢色紫滯夾白。氣陰兼理。

西黨參

五錢建麴一錢同炒

丹皮

白蒺藜

烏藥

阿膠

芥菜花

三錢一錢

銀花炭

三錢

側柏炭

一錢

山楂炭

三錢

加香連丸

一錢

家母又診

舌苔漸化。納穀較增。痢暢而稀。其痛勢雖在胃脘。觀食下時並不作痛。關脈弦數。屬血分之邪發越。肝木並逆也。

黨參

三錢建麴一錢同炒

丹皮炭

枳壳

銀花炭

三錢

阿膠

花顛樓醫案

青皮 五分

白蒺藜 二錢

側柏炭 一錢

烏藥 一錢

益元散 二錢

家母又診

血分之暑邪鬱邪俱化。痛止痢亦將止。脾氣腎陰虛機略振。便時指尖微冷。寐少耳鳴。守臟真爲主。和腸胃爲佐。

老山人參 三錢

炮姜炭 二分

五味子 五分

棗仁 二錢

熟地炭 二錢

煨木香 三分

白芍 一錢

雲苓 二錢

陳皮 二分

小紅棗 二枚

家母又診

胃氣頗醒。知味加穀。食後氣覺下墜欲便。小溲尙少。然痢必傷腎。不宜滻利。蓋膀胱爲津液之府。與腎爲表裏者也。

人參 三錢

於朮 五分

製首烏 四錢

炒棗仁 三錢

黨參 二錢

生芪 五分

阿膠 二錢

炒白芍 一錢

陽春砂仁 五分

炒苡仁 三錢

炙甘草 三分

大伯母 膝痛

肝火濕熱下注陽明之絡。外束風寒。兩腿痛甚。難於步履。脈細舌白。姑先疎解外風。但症係內傷虛婢。最屬淹

纏者也。

桂枝 四分

赤芍 一錢

白蒺藜 三錢

赤苓 三錢

秦艽 五分

苡仁 三錢

嫩桑枝

歸鬚 一錢

防己 二錢

草薢 三錢

大伯母 又診

環跳痛緩。移於內膝。左脈轉數。外風已漸化火。蓋陽明主一身之絡。氣血虧。不能灌溉絡脈。鬱火濕熱。乘隙內踞。而爲脾痛。去秋曾患流注。病雖異而其源則一也。擬補血湯兼理濕熱。

黃芪一錢
五分

川柏五分
天麻五分

秦艽一錢
草薢二錢

防己二錢
歸身三錢

白蒺藜三錢
滑石三錢

鬱金五分
桑枝一兩

大伯母又診

肝風濕熱。逗留經絡。脾痛夜甚。脈軟帶弦。舌紅苔黃。此內因之病。不宜峻劑。攻風劫瘀。再傷血液。須防血枯筋攀而肢廢。或脾乘中土而變腹脹。當養肝陰。佐以化瘀定痛。

細生地四錢
生冬朮一錢

防己三錢

歸身三錢

小胡麻三錢

淡乾姜三分

木瓜一錢

杞子三錢

金毛脊三錢

苡仁三錢

加乳香三分

沒藥三分

杞子三錢

金毛脊三錢

白蒺藜三錢

大伯母又診

昨宵痛緩得寐。脈數和而舌苔稍化。病由氣血兩虧。用藥慎其偏勝。爲要。擬萎蕤加味。

萎蕤一兩

生冬朮一錢

木瓜一錢

金毛脊五錢

細生地四錢

乾姜三分

歸身三錢

炒米仁三錢

雲苓三錢

杞子三錢

大伯母又診

生甘草五分

白蒺藜三錢

大伯母又診

意傷憂愁。則肢廢。蓋脾主四肢。心陽不暢。肝失生發之機。水穀入胃。易生痰濕。少於生血。血不養筋。右腿拘牽。不能伸屈。且持齋百日。陽明血液之虧。不待言矣。所慮延爲痼疾。然治法不外乎養肝培脾。和胃而化濕熱耳。

鈴羊角二錢

肥玉竹三錢

杞子三錢

鈎勾三錢

白蒺藜三錢

漢防己三錢

木瓜一錢

金毛脊三錢

川石斛三錢

苡仁三錢

阿膠二錢

歸身三錢

桑枝一兩

大伯母又診

血枯經絡少舒。內風痰多並阻。仍守昨法。

鈴羊角三錢

防己五分

苡仁三錢

小胡麻三錢

秦艽七分

鈎勾四錢

青蕉汁一杯

肥玉竹五錢

木瓜五分

歸身三錢

白芥子三分

加白麻骨五錢

桑枝五錢

木瓜五分

煎湯代水

大伯母又診

昨今兩日。痛勢大緩。環跳經絡。俱未抽掣。惟足刺痛。痛幸式微。鬱火濕熱全化矣。

鈴羊角

白芍五分

松子仁三錢

鈎勾三錢

淡蕊蓉三錢

歸身三錢

木瓜五分

桑枝三錢

棗仁三錢

青蕉汁一杯

大伯母又診

肝火已化。和補陽明氣血爲主。

人參鬚一錢

細生地三錢

肥玉竹三錢

歸身一錢

生冬朮五分

懷牛膝五分

雲苓三錢

白芍一錢

枸子三錢

鈎勾

大伯母又診

陽明氣血日旺。漸能行動。惟步履力不足耳。

人參鬚一錢

細生地四錢

肥玉竹三錢

歸身五分

生冬朮五分

杜仲三錢

米仁三錢

雲苓三錢

杞子三錢

白芍一錢

尹醫案

瘀阻胃陽噦心。暑邪乘虛內陷。大瘧發經四次。神疲納少。脈弦濡。舌白膩。邪在太陰。達之非易。擬東垣法爲主。

人參鬚一錢

升麻二分

陳皮七分

大防風一錢

柴胡二分

冬朮一錢
五分

茯苓二錢

鮮藿香一錢
五分

姜半夏一錢
五分

鮮佛手一錢
五分

尹又診

瘧早且輕。邪能速達。正氣亦可速復矣。

參鬚一錢
五分

川朴五分

白芍一錢
五分

防風一錢

冬朮一錢
五分

升麻二分

歸身五分

藿香一錢
五分

建麵三分

某氏醫案

欬嗆淡紅血痰。證起三載。肺脾津氣兩竭。不治症也。擬金匱培土生金法。以爲帶疾延年之計。

人參七分

川貝母二錢

肥玉竹三錢

雲苓三錢

麥冬二錢

扁豆衣三錢

懷山藥三分

生甘草三分

阿膠一錢
五分

白粳米四錢

白花百合一兩

李醫案

交秋肅降。暑風濕熱。壅迫二腸。發爲赤白二痢。起經四月。先有寒熱。脘腹大痛。汗泄如注。見穀濛濛欲嘔。邪勢壅遏三焦。高年深恐不能支持。經云。病有急當救裏救表者。今裏重表輕。當從疎爲急。每見裏滯充斥者。誤用敗毒散。多變噤口。

川朴五分

枳實七分

丹皮一錢
五分

赤芍一錢
五分

川連四分

藿梗一錢
五分

青蒿一錢

青皮一錢

秦艽一錢

紅麵三錢

查炭末七分

川連五分

李又診

痛減痢稀。伏邪尙盛。肝木乘胃虛上逆。爲噦心悸惕。表熱退淨。略可安穀。病雖轉機。尙非坦途也。

人參鬚五分

川朴七分

藿梗一錢
五分

赤芍一錢
二分

淡吳萸二分

川連五分

查炭末一錢

青皮五分

神麴三錢

砂仁末五分

鮮佛手一錢
五分